



**Ofisina Sentral di Statistik**

Informashon : (+599 9) 8392300

Adrès: WTC Building, Piscaderabay s/n

E-mail: [info@cbs.cw](mailto:info@cbs.cw)

Website: [www.cbs.cw](http://www.cbs.cw)

Facebook: cbscur

# **Komunikado pa Prensa**

Willemstad, 05 òktober 2022

## **Desaroyo di preisnan pa konsumidó na Kòrsou pa luna di yùli 2022**

**Willemstad - For di sifra ku Ofisina Sentral di Statistik (CBS) a publiká awe ta indiká ku e nivel di preis promedio a subi ku 0,9 porshento na luna di yùli 2023 kompará ku luna di yùni 2022. E sifra di inflashon ta 5.4 porshento.**

### *Desaroyo di preis luna di yùli 2022 kompará ku luna di yùni 2022*

E sifra índise di preis pa konsumidó (CPI, “Consumer Price Index”) di Kòrsou a subi ku 0.9 porshento na luna di yùli 2022 kompará ku luna di yùni 2022, esta di 113,9 na yùni 2022 pa 115,0 na yùli 2022.

E kambionan di preis spesífiko ku mas a sobresalí durante luna di yùli 2022 ta; subida di kuminda (2,1), gasolin (11,8%), kerosin (4,3%), diesel (7,4), Paña i sapatu (1,8%), Bibida i sigaria (1,6), a bira mas barata elektrisidat (-1,1%) i awa (-0,8%)

*Desaroyo di preis luna di yùli 2022 kompará ku luna di yùli 2021*

CPI di yùli 2022 (115,0) ta 8,2 porshento mas haltu ku e CPI di yùli 2021 (106,3). E sifranan aki ta indiká ku e nivel di preis pa konsumidó durante luna di yùni 2022 ta 8,2% mas haltu kompará ku e mes un luna na aña 2021. E kategorianan ku a kontribuí mas tantu na e subida aki ta kuminda (12,0%), muebel i aparatonan doméstiko (10,9%) i transporte i komunikashon (13,7%)

*Desaroyo di preis riba término largu: inflashon yùli 2022*

Inflashon ta reflehá pèrdida di balor di sèn, pues di forsa di kompra, dor di subida di preis di produkto i servisio pa e konsumidó riba término largu (usualmente 12 luna). E sifra di inflashon pues ta duna un indikashon di e subida promedio di kosto di bida, i p'esei ta ser rekomendá komo instrumento pa indeksashon di salario, penshun, ònderstant/ benefisio sosial, suèldu mínimo i otro entrada.

Inflashon den un sierto luna ta ser kalkulá dor di komparashon di e CPI promedio di 12 luna den e luna konserní ku e CPI promedio di 12 luna den mes luna e aña anterior. Si kompará e periodo di e último 12 luna te ku yùli 2022 ku mes periodo un aña anterior, ta resultá ku preisnan na averahe a subi ku 5.4 porshento: e CPI promedio di 12 luna a desaroyá di 104.3 na yùli 2021 pa 109.9 na yùli 2022.

Pa mas informashon por konsultá e wepsait di CBS, [www.cbs.cw](http://www.cbs.cw)

////////////////////////////////////